

REPUBLIC OF KIRIBATI



PUBLIC HEALTH INFECTIOUS DISEASE REGULATION

(Section 2,16,19,20)

CURFEW ORDER

Ngai, **Honorable Minister, Tinte Ifinteang**, iaan mwakau are I a tia n anganaki man te tua ae te Public Health Infectious Disease Regulation ni mwakorona ae 2, 16, 19 ao 20 ao I kanakoa au kaetieti ibukin waaki ake a riai ni iraki karaoaia iaon Tarawa Teinainano, Betio ao Buota n aron aikai:-

1. Mwangan nako ao ana Botaki n Mwakuri te Tautaeke ma Bitineti a na bon teimatoa ni waaki inanon te taneiai ae boou. Mwakuri nako ma bitineti a na riai n toki imwain boon te aoa 10pm n te tairiki ni karokoa te aoa 5am n te kaarangaina. A kauringaki Botaki ni mwakuri nako ma Bitineti ba a na ira nanon ana kainibaire Botakin te Mauri ao Katoki Aoraki n aron te tauraroa n 2 te miita, akean te taubai, kabonganakin rabunan te ubu ma ti ngkana ko kitana mwengam ao n raroa ma aomata n te raroa ae riao n 2 te miita, kabonganaan rabunan te ubu inanon taabo nako itinanikun mwengam, te tebo bai ma te toobu, rabunan ubum ngkana ko bekobeko ao ko mwatie, e tabu te babaware ao ongirakin te ngako n ana tabo te botan aomata ao a mwaiti riki. Kainibaire aikai man te Botaki ni Mauri ao Katoki Aoraki a na bon iraki naba nanoia irovia te botan aomata.

2. E na teimatoa te mwamwananga nako aonnaba ke bon marenan abamwakoro nako ao nako Tarawa ma a bon ti katauaki ni mwananga koraki ake a tia ni koro itia n te covid-19. Aio are e kaineti nakoia bwatintia, taan

mwakuri n bao ni mwamwananga l taari n aron te ooti , wa ma kaibuke ao ai te wanikiba.

3. E na teimatoa te kaako ao bwainaoraki n nikiraki nako aon abamwakoro. Akea mwamwananga inanon aoa aika kainaki aikai ae a kariaiakaki.

4. A na teimatoa ni buti baao ni mwamwananga iaon Tarawa Teinaninao ma Betio ma a na riai bwatintia ma taan mwakuri iaon bao n kabongana te rabuna n ubu. Akea te ibetutu ke te itobwatobwa iaon baao ni mwamwananga.

5. Taian tabo n nangkona ao kamanging a na ti kariaiakaki ni kaboonakoi aia moo (take away) ma e katabuakaki te moo n te bar ke tabo ke te ikoikotaki ni moo.

6. E na toki te nakonako ao aomata a riai n tiku iaan aia auti man te aoa tebwina n te tairiki (10pm) nakon te aoa nimaua (5am) n te karangaina. E bon taburoroko te kamaangang, te nako n akawa ao ai bon kitanan te auti inanon taai aikai. Aomata a riai n tiku iaan aia auti ngkana akea te kariaia man ana Aobiti Te Beretitenti ibukin mwanangaia.

7. A kantaningaki aomata nako bwa a na reke iai aia tai ni katiai tabeia mani karekei kainanoia inanon te ngaina ao n okiri mwengaia imwain te te aoa 10 n te tairiki. E na ti kariaiakaki te nakonako ibukin karekean buoka aika a karina ma ni kainnanoaki ibukin maiun te aomata n aron te onnaoraki, bureitiman ao te ka n tiriai. Aei e aki kainanoa ana kariaia ana Aobiti te Beretitenti.

8. Taan mwakuri ake a rangi ni kainnanoaki a na kona ni kariaiakaki ni kaei aia tabo ni mwakuri n aoa aika a kainaki iaan te oota aio n reken ana kariaia ana Aobiti te Beretitenti irouia.

9. Akea te bobotaki n aron te ikoikotaki n bingo, moo nangkona ke n moo manging ae kariaiakaki.

10. Te ikoikotaki ke te bobotaki n te mwaiti ae riaon 10 te aomata itinanikuia kain mwengam ke n taabo n mwakuri ke bitineti nako a bon katabuaki, e ti kariaiakaki te ikoikotaki ke te bobotaki n te mwaiti ae e aki riaon 10 aomata ma a na riai n kabongana rabunan te ubu ao n feiraroa 2 te miita. Te kauring nakoia kautun aaro, kauntira ma utu ba a na ibuobuoki ma aia botannaomata ibukin aki kaungan te bobotaki ao n ira nanon te kainibaire aio ibukin te bobotaki ni kaineti moa ma te taneiai ae boou aio.

11. A kabaeaki bureitiman bwa a na tara nanon te oota aio ba e na bane n iraki nanoia irouia aomata.

12. Aki iran nanon kaetieti aikai bon uruan te tua ao a na kona bureitiman ni katikiko ao ni kamatawarikiko. Ibukin buokan te matata ao uruan nanon kainibaire ake inanon te Regulation are bwebwerake ma iai te kaetieti aio bon te bure naba iaan te tua.

13. Te Ota aio e kamaunai oota ake a tia n karaoaki mai imwaina iaan te Regulation aio ao e na moa bwainakina n te bong aei 18 Tianuare 2022 ni ua manga ofinakon te kaetieti ae boou.


Dated18 January 2022.....



Hon. DR. TINTE ITINTEANG

MINISTER FOR HEALTH

Printed by exhibition at the Office of Te Beretitenti on ...18 January...2022.



DR. NAOMI BIRIBO

SECRETARY TO THE CABINET